



ՊԵՏԱԿԱՆ ԳՈՒՅՔԻ ԿԱՌԱՎԱՐՄԱՆ ԿՈՄԻՏԵ
ՆԱԽԱԳԱՀ

Հ Ր Ա Մ Ա Ն

№ 150-Ա « 04 » 10 2019թ.

ք.երևան

ՓՈՐՁԱԳԵՏԻ ԿՈՂՄԻՑ ԻՐԱԿԱՆԱՑՎՈՂ ԱՇԽԱՏԱՆՔԱՅԻՆ ԾՐԱԳԻՐԸ
ՀԱՍՏԱՏԵԼՈՒ ՄԱՍԻՆ

Ղեկավարվելով Հայաստանի Հանրապետության կառավարության 2018 թվականի օգոստոսի 2-ի «Առանձին խնդիրների իրականացման համար պետական մարմինների կողմից փորձագետի ներգրավման կարգը և դեպքերը սահմանելու մասին» N° 878-Ն որոշմամբ հաստատված կարգի 2-րդ և 7-րդ կետերով և Հայաստանի Հանրապետության տնտեսական զարգացման և ներդրումների նախարարի 2018 թվականի հունիսի 11-ի «Հայաստանի Հանրապետության տնտեսական զարգացման և ներդրումների նախարարության պետական գույքի կառավարման կոմիտեի կանոնադրությունը հաստատելու մասին» N° 398-Լ հրամանով հաստատված հավելվածի 19-րդ կետի 12-րդ ենթակետով.

Հ Ր Ա Մ Ա Յ ՈՒ Մ Ե Մ

Հաստատել փորձագետի կողմից իրականացվող աշխատանքային ծրագիրը համաձայն հավելվածի:

ՆԱՐԵԿ ԲԱՐԱՅԱՆ



ԱՇԽԱՏԱՆՔԱՅԻՆ ԾՐԱԳԻՐ
ՓՈՐՁԱԳԵՏԻ ԿՈՂՄԻՑ ԻՐԱԿԱՆԱՑՎՈՂ

1. Ներգրավման դեպքը և հիմնավորումները

Պետական գույքի կառավարման բնագավառում իրականացվող բարեփոխումներն իրենց տրամաբանական ավարտին հասցնելու, այդ նպատակով ՀՀ կառավարության կողմից ծրագրավորված միջոցառումները, մասնավորապես, պետական գույքի մասնավորեցման, օտարման, օգտագործման և սպասարկման գործընթացները կանոնակարգող իրավական ակտերում լրացումներ և փոփոխություններ կատարելու, նոր իրավական ակտեր մշակելու, ինչպես նաև պետական գույքի կառավարման ոլորտի և դրան առնչվող ոլորտների ռազմավարական փաստաթղթերից բխող կանոնակարգերի մշակման համար Պետական գույքի կառավարման կոմիտեի (Կոմիտե) պետական գույքի կառավարման ծրագրերի և իրավական ակտերի մշակման վարչությունում պայմանագրային հիմունքներով նպատակահարմար է ներգրավել համապատասխան մասնագետ (փորձագետ):

2. Փորձագետին ներկայացվող պահանջները

- 1) Տնտեսագիտություն (էկոնոմիկա) մասնագիտության բարձրագույն կրթություն, հանրային ծառայության առնվազն տաս տարվա աշխատանքային ստաժ, կամ վերջին տաս տարվա ընթացքում առնվազն տաս տարվա մասնագիտական աշխատանքային ստաժ, կամ պետական կառավարման ոլորտի առնվազն հինգ տարվա աշխատանքային ստաժ.
- 2) պետական գույքի կառավարման ոլորտին վերաբերվող անհրաժեշտ տեղեկատվության տիրապետում, ինչպես նաև պետական գույքի կառավարման ծրագրեր, ռազմավարական փաստաթղթեր, իրավական ակտեր մշակելու փորձի առկայություն,
- 3) ունենա տրամաբանելու, տարբեր իրավիճակներում կողմնորոշվելու ունակություն.
- 4) համակարգչով և ժամանակակից այլ տեխնիկական միջոցներով աշխատելու ունակություն.
- 5) առնվազն մեկ օտար լեզվի պարտադիր իմացություն.
- 6) ՀՀ քաղաքացիական օրենսգրքի, ՀՀ հողային օրենսգրքի, «Նորմատիվ իրավական ակտերի մասին», «Կառավարչական իրավահարաբերությունների կարգավորման մասին», «Պետական գույքի մասնավորեցման

(սեփականաշնորհման) մասին», «Պետական գույքի կառավարման մասին», «Պետական գույքի մասնավորեցման 2017-2020 թվականների ծրագրի մասին», «Անվճարունակության (սնանկացման) մասին», «Պետական ոչ առևտրային կազմակերպությունների մասին», «Բաժնետիրական ընկերությունների մասին», «Գույքի նկատմամբ իրավունքների պետական գրանցման մասին», «Քաղաքաշինության մասին» Հայաստանի Հանրապետության օրենքների, պետական գույքի մասնավորեցման, օտարման, օգտագործման և սպասարկման գործընթացները կանոնակարգող իրավական ակտերի և իր լիազորությունների հետ կապված իրավական այլ ակտերի անհրաժեշտ իմացություն:

3. Աշխատանքների իրականացման ժամանակահատվածը

Փորձագետը ներգրավվում է երկու տարի ժամկետով:

4. Աշխատանքների ակնկալվող արդյունքը

1) Փորձագետն երկու տարվա ընթացքում իրականացնելու է ծրագրով նախատեսված աշխատանքը, մասնավորապես՝

ա) Հայաստանի Հանրապետության կառավարության 2019-2023 թվականների գործունեության միջոցառումների ծրագրի պետական գույքի կառավարման ոլորտին առնչվող իրավական ակտերի մշակում:

բ) պետական գույքի կառավարման ուղղակիությունից բխող պետական գույքի բարեփոխման վերաբերյալ առաջարկությունների ներկայացում և իրավական ակտերի մշակում:

գ) պետական գույքի կառավարման եռամյա ծրագրի կատարման տարեկան հաշվետվությունների կազմման վերաբերյալ ուղեցույցի և նոր եռամյա ծրագրի կազմման մեթոդաբանության մշակում:

դ) պետական գույքի կառավարման ոլորտին ուղղակիորեն առնչվող ուղղակիությունների և օրենսդրական ակտերի հիման վրա գույքային հարաբերությունները կանոնակարգող ոլորտային նոր իրավական ակտերի մշակում և առաջարկությունների ներկայացում:

ե) պետական մասնակցությամբ առևտրային կազմակերպությունների կառավարման բարեփոխման նպատակով տարեկան կտրվածքով ֆինանսատնտեսական ամփոփ վերլուծությունների իրականացում և առաջարկությունների ներկայացում:

զ) պետական սեփականություն համարվող անշարժ գույքի օգտագործման վիճակի վերլուծություն և առաջարկությունների ներկայացում:

2) Կատարված աշխատանքի արդյունքը գնահատվում է բավարար, լավ կամ գերազանց:

5. Հաշվետվություններ ներկայացնելու ժամկետներ

Փորձագետը վեց ամիսը մեկ ներկայացնում է հաշվետվություն:

6. Աշխատանքի գնահատման չափանիշներ

Աշխատանքը գնահատվում է, ըստ փուլերի՝ վեց ամիսը մեկ և ամփոփիչ փուլ: Աշխատանքը գնահատվում է վեց ամիսը մեկ ներկայացված հաշվետվությունների հիման վրա, որի արդյունքում երևում է, թե տվյալ ժամանակահատվածում փորձագետն իր առջև դրված խնդիրների որ մասն է իրականացրել:

Գնահատման համար չափանիշները սահմանվում են ըստ 4-րդ բաժնի «ա»-«զ»-ը ենթակետորով սահմանված արդյունքների:

Համապատասխանաբար, վերջարդյունքների չափանիշներն են՝

ա. Հայաստանի Հանրապետության կառավարության 2019-2023 թվականների գործունեության միջոցառումների ծրագրի պետական գույքի կառավարման ոլորտին առնչվող իրավական ակտերի մշակված նախագծեր.

բ. պետական գույքի կառավարման ռազմավարությունից բխող պետական գույքի բարեփոխման վերաբերյալ առաջարկությունների ներկայացում և իրավական ակտերի նախագիծ.

գ. պետական գույքի կառավարման եռամյա ծրագրի կատարման տարեկան հաշվետվությունների կազմման վերաբերյալ ուղեցույցի և նոր եռամյա ծրագրի կազմման մեթոդաբանության մշակված նախագիծ.

դ. պետական գույքի կառավարման ոլորտին ուղղակիորեն առնչվող ռազմավարությունների և օրենսդրական ակտերի հիման վրա գույքային հարաբերությունները կանոնակարգող ոլորտային նոր իրավական ակտերի նախագիծ.

ե. պետական մասնակցությամբ առևտրային կազմակերպությունների կառավարման բարեփոխման նպատակով տարեկան կտրվածքով ֆինանսատնտեսական ամփոփ վերլուծություններ և առաջարկություններ.

զ. պետական սեփականություն համարվող անշարժ գույքի օգտագործման վիճակի վերլուծություն և առաջարկություններ: